



UNIVERSITÄTS-  
BIBLIOTHEK  
PADERBORN

## **Praxis Episcopalis**

**Piasecki, Paweł**

**Coloniae Agrippinae, 1620**

De Clericis.

---

[urn:nbn:de:hbz:466:1-61608](https://nbn-resolving.org/urn:nbn:de:hbz:466:1-61608)

## CAPVT IX.

### Inquirenda de Clericis.

**D**E Clericis verò inuestiget potissimum.

An ad præscriptum peccata confiteantur, & Sanctissimum Eucharistiæ Sacramentum sumant.

An Missam singulis diebus audiant; & an celebranti inseruiant, & an tunc aliquid de officio recitent.

An Ecclesijs, quibus ascripti sunt, iugiter inseruiant.

An functiones peculiare de uotè exerceant.

An concionibus, & lectionibus sacris diebus festis intersint.

An doctrinam Christianam doceant. An Congregationem Clericorum frequentent.

An rectè legant, pronuncientuè, & An competenter, & perfectè scribant.

An litterarum studijs incumbant. An præferant ingenium, memori- am, capacitatem, & spem profectus pro ratione ætatis.

An, qui decimum quintum annum attingunt, libros præscriptos habeant. Cencil. Prouin. 1. cod.

An reuerentes, & obedientes sint parentibus, Sacerdotibus, & magistris.

Alia præterea de moribus, &c. vt supra.

Et videat literas testimoniales Vicarij, Foranei, Parochi, Confessarij, Magistri, & Prioris Doctrinæ Christianæ.

Quantum verò ad litterarum examen, fiet secundum qualitatem personæ. Præcipuè verò videndum est, an intelligant linguam latinam, & fidei rudimenta teneant; & an Missæ inseruire ad præscriptum sciant.

## CAPVT X.

### Inquirenda de Clero in generali.

**D**E Clero autè in genere hæc inquirenda videntur. In primis verò iuxta regulam Apostoli.

An irreprehensibiliter conuersentur, id est absque graui, & notabili culpa. An sobrij. Quo circa inquirendum est. An sint potatores, seu ebriosi; an tabernas visitent; an commensationibus vacent: an bibendo, & comedendo sint dissoluti: an demum frugalitatem in Concilijs præscriptam seruent.

An ornati, id est, morigerati, & pru-

dentis. Quocirca solerter est pensandum, an pro ordinis, & officij sui ratione sint sufficientis literaturæ, & an etiam sint benè compositi.

An pudici in verbis, & in factis; vel an lasciuui, & inhonesti.

An hospitales, & cæteris misericordiz actibus dediti.

An creditum sibi gregem informent de credendis, atque agendis publicè, ac priuatim, & vnumquemque secundum exigentiam sui status.

Ad

Plura ex S. Dionysii Carthusii in opus. de regim. ad Timoth. 1. cap. 3.